

三梅詩集

匡澤

右公院長晒正

梅屋張六徽

著者梅川何鎮鄂

一梅方芎心

1947

新化民印書局印

周序

余生平最畏狂生亦最愛狂生以爲惟狂者始能進取而遇少年之狂者尤特加敬禮焉新化張子六徽亦今之狂生也民國第一甲申之冬以弟子禮謁余於淑浦客舍言次出其詩十餘篇求爲點定而辭色之間若不勝其驕矜者余不覺肅然動容旣已細讀其詩深致讚歎乃徐語以讀書養氣進乎古人之道張子再拜謝去其後不時來見余又懼其志氣之或挫而進取之不力也復語以自強不息適越古人之道張子亦再拜謝去今不獲相見者三年矣未知其德業視前何若時時念之本已頃張子忽以書來告云教讀鄉里不廢吟詠傍及繪事有何君鎮鄂方君苟心者所嗜相同積稿旣多擬編次三人所爲詩畫授梓敢求一言弁首夫古之爲詩若畫者必積日累月蓄之深而發之厚有益於人心風俗之大然後出以同世今三君方在少年詩若畫雖工未必能遽及古人也而汲汲焉謀珎布於人是則張子之狂無減於嚆昔而又益以何方兩君之狂若桴鼓之相應其不爲流俗所驚怖譁笑者幾希雖然余固竊喜三君之能狂也由是而進取不懈而力爭上遊毋以毀譽撓其心毋以饑寒墮其業其進於古人也無難卽突過前人亦意中事耳三君其勉之哉民國三十六年丁亥首夏長沙周長憲邦式序於南嶽國立師範學院之黃園

張序

自歐風東漸語體盛行所謂新詩廢除音韻其意何居不敢僣議存而不論可也夫詩之爲道如候蟲鳴鳥有自然之節奏故論詩者不以辭害意學詩者以意逆志足矣吾鄉代有詩人如雲屏鶴皋伯恂棣樓諸先輩陳柳塘龔少賓方樂邨諸老皆清新可誦近頃六徵小阮以書見告稱梅屋梅川一梅選詩付刊以倡風雅比物比志於詩教不大有裨益耶梅屋爲詩綺麗翔實類數見之梅川一梅亦自有過人之處精進罔懈必能爲吾鄉生色願與諸君共勉之時丁亥首夏素心老人序於益陽五區專署

序

板橋詩文無名人叙叙固無以重板橋也板橋之言曰求之王公大人既以借光爲恥求之湖海名流必至含譏帶訕遭其荼毒是豈求叙之本心哉三梅詩集將質諸同好以叙屬余余既非王公大人亦非湖海名流則所謂借光與譏訕者蓋可盡免然亦將何以重之三梅者梅川梅屋一梅是也若梅川余敬而友之者也若梅屋一梅余畏而友之者也三人者皆能詩一梅且工畫或見稱於儕輩或邀賞於老師宿儒斯集之出特其矯矢以余之簡陋固不足以重之而其所以見重者當自有在也又烏待乎余文是爲序

時丁亥暮春白沙張仕文撰

題三梅詩集

伍星陵

偶逢佳士眼雙青訪戴何妨夜泛艸壇坵祇今成鼎足三峯天外立亭亭

題三梅詩集

梵聲

多情入繼屬詩人離鳳聲兼老鳳聲從此片帆天外掛騷壇不讓一城橫

題三梅詩集

仕文

王風委地誰能繼大雅相扶德不孤天外鐘聲江上笛各傳清韻遍南湖

梅屋詩稿

贈詞

集句贈六微仁弟

五嶽尋仙不辭遠萬卷堆胸兀相撐

贈六微侄

素心老人

塵網支離六四春平居故國思相親拈來彩筆條條是讀罷佳章字字新千里龍
文都讓爾一腔靈簡不饒人即今弱冠才如許累世芸香信有真

贈小友六微

晏子後

李賀信鍾奇奚憂多好詩月明羌管怨清曉杜鵑啼儘有愁人句宜爲破涕嗤平
生雙眼白見爾獨青華

贈六微弟

陳碩溪

新詩清舊實心諧如此才華信可佳一語贈君須記取少年不合動秋懷

長沙

周邦式



(南)

三梅詩集

四

奉和六微君見贈原均一律

伍斗珊

榮偕壯去兩無留垂老閒於水上鷗緩步看山休策馬微陽透襖當披裘積來詩
債愁難償擁得書田自有秋風雅而今成古調主持端的仗瞻由

次六微春日誌感詩原均題梅屋詩稿

淞塵

篤志潛修鐵硯穿惜陰春曉不貪眠書遣三篋恢先緒筆掃千軍羨少年大集可
偕金石響多才喜見弟兄連從今高樹吟壇讖定許芳名媲美謫仙

(南)

梅屋詩稿

十六歲至二十歲

新化 張六微

暮春

腸斷江南路，迎春復送春。
王孫仍異地，漁子漫迷津。
放浪憑雙屐，窮愁著此身。
早知閒不得，翻悔作詩人。

憶星沙三絕

一派湖山入眼青，數聲漁笛伴歸舸。
塵襟淨洗斜陽裡，遊屐多留愛晚亭。
半帆風送鷓鴣頭，青五十三灘。
次第經欲作狂吟，還不敢。
水晶深處有龍聽。
君山橫掃一痕青，慣涉波濤。
泛小舸，月色漸涼風漸息。
有人江畔酒初醒。

次和硯溪丈憶雲詞十首之五

重到江南憶舊遊，胭脂零落水空流。
紅紅記罷箱中曲，不見仙韶菊部頭。
長史吟成多綺思，許潭夢醒費疑猜。
傷心讀罷招魂賦，無復姍姍入帳來。
如烟往事嘆離離，不忍飄零強護持。
縱得少君無用處，蘭茝容謝已多時。

夢遺蘅蕪成底事只餘雁踏夕陽沙傷心又失徐崇嗣解繪人間沒骨花
人間何事最消魂鬼唱秋墳葉落門未必雲容能再世忘憂無處覓皋蓑

次素心老人秋感百首原均十絕

詠事閑消月一峰元和詞曲紀殘紅可憐騎吹喧囂處聽慣瀟瀟雨打蓬
漢南楊柳竟成絲前度人來感昔時燕子不歸如有意樓頭明月最先知
身同野鶴爲雲誤心共垂楊任水流不有衡文高着眼肯將名紙向人投
芳草迷離翳落日瓊花寂寞冷秋潮那堪重唱關山戀雲影烟痕半未消
不平心事以詩鳴夜半床頭擊劍聲太息鱸風味渺人間吟老一袁宏指素心伯

早識浮雲幻古今悔將豪素托深心何如走馬談方略綽楔煌煌蟲若林
飛瓊影逐月華低錦字分明帶淚題我是楞嚴參十戒烟波不入浣花溪
藐姑仙子蔡經筵誤撒天花落酒邊欲上玉京何處是水天涼透紙衣禪
事到傷心維有淚人逢離亂倍思鄉江山如夢蟲能訴昔日樓臺半夕陽
好月窺人映翠樓者番風信笛中收笑他人骨相思慣江上芙蓉不礙秋

奉贈陶庵縣長四律

自從夫子宰梅城寬猛兼施政治行牧馬有功惟去害字人無術只宜清溫舒尚
德銷留獄元結傷殘罷重征江左只今歌謝傳東山霖雨慰蒼生

鷹鷂鸞鳳兩分明閭里爭傳召杜名

兼謂鐵耕
秘書

頂上無盆天不隔胸中有秤物皆

平桃開遍種同潘縣羨蓋全周滿洛城萬口齊歌賢太守南山今日喜重慶

不用羅掛吉網刑不加銜轡病生靈人間普動園狴籥天上光垂貫索星幾樹栢

搖公府綠一簾草入訟庭青縱來梗化無情者對鏡虛堂莫遁形

兼擅史家才學識江東後輩幸相逢稠人至竟知稽鶴多士原非好葉龍藥籠全
收今國器薪傳遙接古儒宗紫陽一脈千秋統文肅眞堪百拜從

東風

年年吹綠上窗紗惟有東風信不差我恨東風懶無力不吹儂返舊家山

春感

梨花如雪柳如絲暫乞恬春管一時吟罷偶來林下立欲將心事說花知

春暮

三月春光老樓頭日已西桃花傷色落自願下成蹊

書感五律疊韵八首

領略平生趣區區意自如燈花舒爛熳香篆裊輕疎偷語幸無鳥知更空有魚窮年復何奈捫腹儘藏書

荏苒駒過隙衷心每佛如家貧諸事廢性懶故交疎自喜門羅雀誰憐轍澗魚閑情消幾許僅賴一床書

盡日惟搜笥家風本素如貧通燔券少乞貸指園疎志困鹽車驥神傷鐵網魚倚欄自惆悵何處學傭書

磨蝸纏身命遭逢總不如逸勞衡苦樂窮達見親疎題柱期司馬趨庭感伯魚陶公遣子疏莫覓半行書

閱遍滄桑境蕭條亦晏如詩歌仙趣繞琴酒俗塵疎性寄催春鳥更詢代漏魚總知終覆瓿尤續兩楹書

造物偏多忌浮生任所如名歸諧謔起才淺見知疎順逆風牛馬飛潛別鳥魚天涯獨淪落空續送窮書

平居無限意擲管畫難如日暮松容淡霜高柳色疎一生莊子蝶半面越王魚聊

效張顓醉濡頭作草書

不幸遭時變昏昏似醉如小樓聽雨亂長夜數星疎組織穿珠蟻徘徊脫餌魚兵戈無日定且囑郝隆書

和聰甫丈春感一律

欲買芳春貯玉壺洛陽金谷古今殊干戈擾擾天如夢蝨蟻勞我喪吾索句全憑雙雨屐乘舟遙望五雲衢新亭淚跡分明在狂客何須乞鏡湖

偕子卿遊西雲山卽景

幽邃渺無際盤旋過幾峰日高斜塔影山遠滅樵踪路險人如寄溪聲確自春孫登安可再共笑米雙弓

兜率此中天鐘聲樹外傳荒烟迷古徑危石漱流泉山鳥呼相答花鈴憊不前花

鈴余攜犬名從茲持半偈閑伴鶴高眠

小住雲山誌感

爲有維摩疾參禪訪隱淪空壇花墮地隔樹鳥窺人丹篆裊龍鳳蒼藤托鬼神山僧殊解事索畫嶺頭春

又

何時才得此身閑一担肩輿兩淚潛十九年華成泡影幾千里路走湖山無多煩悶憑雲洗那有心情問鶴還悵惆白衣空自在丹梯萬丈費躋攀白衣佛爲是山尊者漫興

醉甚無聊遊夢鄉覺來踏遍長堤長乍驚春色忽憔悴蝴蝶一雙葉上黃

題友人梅花圖

明月照孤嶺危樓伏光景美人殊未歸先上梅花影

夏日遣懷

白衣蒼狗須臾變底事勞勞百慮牽精衛究難填恨海女媧終莫補情天誰家春雨林宗薤何處秋風范蠡船聊把閑愁盡拋却小窗涼簟和書眠

中秋口占

報道中秋至憑欄思悄然可堪今夜月尤作故鄉圓

益陽題壁

我寄他鄉書人烹故園鯉味知久客心夜夜夢歸里

客沅江寄斌士

命宮磨蝎重到處，逐飄蓬。短髮詩催白，余近髮白數莖愁顏酒逼紅。生涯營壘燕身，世可憐蟲去，去獨行樂浮雲西復東。

題老漁圖

打槳揚蓬西復東，生涯多在釣舟中。笑他世味清於水，賣得鱸魚日又豐。
水之涯兮山之麓，一釣一絲一竿竹。橫開頃頃烟波綠，日盪木蘭舟。夜伴蘆葦宿，得魚換酒心常足。四顧茫然天地空，爲補消閑歌幾曲。

漁樵問答圖

長江浩蕩雲山蒼，漁竿樵笠影徬徨。偶逢小憩飛岩傍，翻將勞逸話衷腸。逸者果何樂，獨釣扁舟日無獲。曷若掃平荊棘天，恢廓勞者果何苦。斧劈良材圖進取，曷若抱負經綸釣寰宇。噫嘻吁，兩人問答各自殊，孰知寄志在漁樵。

白溪孩兒石相傳爲古時勝蹟因咏及之

奇石胎根太極間，氣充磅礴色珊珊。精魂頑固三生結，異態嬌癡萬古寒。雲母尙能鍾乳易到公，若使點頭難貪眠。市上誰鞭起，冒雨吟風只自安。

雜感六律分東離新諸友

荏苒光陰鳥遇風瓣香尤憶祝同心春風淨几朝渾灑秋雨殘燈夜酌斟千里劉
郎星散遠九原庾亮玉埋深指子威追思往事重提起淚眼潄潄恐不禁

慢將時世話滄桑已拚紅羊換劫羊自笑閑鷗隨浪散轉憐秋燕趁風忙催輓輓
下窮途淚擱筆翻添愁態狂恨殺此生剛夢醒覺時常帶半驚惶

仙侶閑攜萼綠華匣中珍重認龍沙無身可作迷津筏有淚維憐孽海花西望藍
橋空玉杵東來瓊苑假胡麻洛陽城外春如許僥倖重逢油壁車

人生亦自有滄桑紅粉青山費酌量茹苦始能空色相報恩原不在文章余未婚妻雲仙臨死
寄詩有他日俸錢過百萬爲余勒字到黃泉之句安排詩作貧家事一任錢充裕客愛訴盡秋蟲無限恨該他

風骨逼襄陽

被笑今如鄧禹何淚痕深染魯陽戈將疑屢戰清寒定從此唐衢涕泗多氣有風
雲兒女累家無升斗箇編羅取來一字那堪煮負負徒爲墨所磨

萬古文章出性真眼中強半畫麒麟夜郎自大終非大秋水無塵却有塵天下英
雄推操備坐平知己少雷陳牙籤滿架勤搜討總覺年華負此身

東裝吟四律呈邦式丈國師兼寄濟夫湘鄉

不似騎羗上老坡，好將機杼試龍梭。
性情蘊蓄終難火，文史烏焉早辨訛。
數征途應黯淡無多歲，月尙蹉跎壯懷自昔輸。
宗慤一領青衫誤素娥，指亡妻雲仙

學慣閑雲任卷舒，此回鞭策又何如。
詩期刪改勤搜稿，念到無求轉讀書。
馬齒漸添人瘦後，驪歌剛趁葉涼初。
最難償是瓊漿願，誰與晨昏侍起居。

萬疊雲山路渺茫，又隨朋輩下湖湘。
書聲賴有琴聲補，余弟五歲卽工琴操闔恨原同別恨。

長花塢夕陽金粉，夢秦邊水豆晚天涼。
倚門心切平安字，不在驚人句寄將。

手中針線席間尊，好寄離人涕淚痕。
一紙家書當鬢遇，滿天風雨失前村。
愁絲添作潘郎鬢，指素心伯適意無如憤鼻禪。
此去扁舟過瀕尾，舊交遊地總消魂。

泗州

渺渺長江去路悠，芳州莽莽鎖中流。
我將畫水濡秋筆，誰爲量沙唱夜籌。
朝旭映紅疎蓼，活晚烟浮白片帆。
收試看自在潮消漲，覺社鷗盟任去留。

日暮泛舟江上

雲山縹渺天之涯，客子笑倚船爲家。
返照有情帶江樹，輕篙不定掀浪花。
出沒隨

波戲鳬鴨合離墟沫游魚鰕數聲激越動悽楚何處老僧吹暮笛

登九王閣賦感

閣位黃沙坪中塑呂純陽像一尊

丹灶紅崖費揣摩我來欲唱聽鐘歌先生胆氣應如故又見山河破碎多

舟泊德山

孤峰倒影水中央十里城連平且長遙望雲山復上下放歌天地爲低昂舟搖雙槳浪花白雁叫一聲江霧黃分付榜人急解纜夜來風緊寒欲霜

秋感二絕

燕飛北向雁南游荏苒難將歲月留誰愛楓林霜葉好不知秋杪又悲秋
心血都爲墨所磨朝來攪鏡近如何西風漫笑黃花瘦我比黃花瘦更多

武陵道中

河源重溯感張騫子影飄零古道邊楓葉滿山紅似燒荻花飛岸白於綿峰高薄霧翳斜日江遠疏鐘敲暮天極目欲求投宿處舊遊忘却復流連

客益東鳳山丈

客裡重披李子裘蕭蕭黃葉感深秋雄心已斬蛟龍矣豪氣能冲霄漢不百代河

山與廢感萬家風雨別離愁虞翻此後無他願
柘莫歸程阻石尤

夜坐聞笛

明月滿高樓聞聞隔院簫聲聲猶似訴都爲度清宵

秋社鷓鴣

曾記春城感物華杜鵑紅處思無涯何人更滴悲秋淚灑入西風又作花

日暮倚樓

獨對西風獨倚樓烟籠小市暗驚秋倒翻夕照半江赤幾箇白鷗隨浪流

詠竹

竹不矜高勢生來足可欽挺身多勁節低首自虛心豈把炎涼辨寧經霜雪侵柯
亭誰見訪獨立少知音

雪

雨後平巘長麥芽今冬三見白無瑕風飛天上花千里月照人間玉萬家思在灞
橋懷鄭槩吟成冰柱讓劉叉書齋九昧知誰解興到呼烹雪水茶

梅

輕烟細雨綰平堤爲汝探尋酒自携十里空山茆屋裡一灣流水斷橋西本來髯叟呼爲友未必林家聘作妻惟有袁安同臥雪清高從不逐時低

題玉鈎殘夢記

嫋嫋娉娉步步蓮霞光迤邐路三千欲翻月老聯姻譜休借天仙聘婦錢石上三生應有約燈前一笑竟無緣嬌痴彩鳳鍾情在却怯隨鴉宿暮烟一曲紅兒紀恨多非關子晉愛吹簫瑤英尙想留香淚金屋難成貯阿嬌曉夢朦朧驚蛺蝶秋心慘淡結芭蕉蓬山萬里無消息路遠何由慰寂寥

次友人春閨憶原均

鐘聲半夜出前溪坐數更籌月漸西往事恍同莊子蝶行期莫定魏王雞心隨流水寧趨下志在高山孰與齊惆悵東風太容易等閑又聽子規啼

贈梅川吟兄

天地一沙鷗無心任去留胸懷遺小草意氣薄封侯三語京都椽千篇藻思酬文章眞結契瀛海有高樓

南柯子

雨過羅衾冷情懷睡起遲此心原不讓春知爭奈垂楊處處惹相思 往事和烟
渺新愁共草滋流鶯似妬瘦腰肢偏欲惱人魂夢海棠時

題長恨歌後

君王長恨已成空豈有精靈到海中何事良宵私語在一垓黃土泣西風
輓謝玉芝師

往事華名空冀北暮年著述震江東薪傳火盡遺型在一代宗師萬古風
拙集編成喜題一絕

萬古風騷等太羹四唐嗣響盡錚錚除他李杜韓蘇外誰是洪鐘正大聲

梅川詩鈔

新化 何鎮鄂

春柳四絕次梅屋憶星沙原均

東風吹綠柳條青，愁煞江干送客船。
唱罷陽關三疊曲，離人魂已斷長亭。
月明江上水浮青，楊柳絲絲繫客舲。
春色方濃花正好，愁城未破酒難醒。
綠蔭深處柳烟青，乍暖還寒意不經。
隱士門前風韻好，鶯歌聲調動人聽。
天涯無聊不深青，咏雪新詞調水伶。
最是和風吹萬里，滿枝春意透窗櫺。

次和梅屋暮春五律一首

迎送復迎送，一年又一春。
携柑思往事，鍛柳悵迷津。
造化回無力，窮愁亦繞身。
江南風物舊，都是惜時人。

和硯溪先生邨居詩

蒼黎熙皞樂山城，勝利初傳政復明。
又聽編氓歌雨化，好從宏景伴濤聲。
閑來興致維，酣酒直待風和始撥箏。
客有可人緣自夙，綠波春草總關情。

保靖縣府留別

烽火梅山兩地愁，客窗涼月思悠悠。
登樓每切王孫感，慚愧諸公擊意留。
聚散萍踪感夙緣，幾番風雨會英賢。
總知車笠無時揖，賦罷驪歌意緒綿。

詣同年郭國光家誌感

西窗燈火話離衷，人意方濃樂性真。
泛月冲寒嵇獨訪，殺雞有約范知遵。
笑談詩酒情懷暢，漫對滄桑感慨頻。
大雅堂前邀錫祐，羨君重慶兩番春。

和莘夫老人八十壽詞原均

四皓何如一老翁，不圖名利不貪功。
從來渭水風光好，最怕頭皤耳病聾。
蘭桂爭榮光自顯，竹枝傲世質還空。
青囊壽世身應壽，且祝餘霞天際紅。

和業師張紹機遺懷一律

一回春去一回春，怕見尊前白髮新。
桃李年年勤灌溉，風塵僕僕總艱辛。
愁因酒破情懷暢，興致棋飛樂事頻。
課子侍親慈且孝，優遊歲月志能伸。

次梅屋春日誌感詩原均三律束素心老人仕文詩友

春光大好又臨門，應識先愁醉欲眠。
攪鏡乍驚添白髮，拚脾同嘆老青年。
仕文有白髮先催老

少年他圖久擬謀，難定脫鞵焉知斷。復連漫對東風空自舞，筆逢高士可稱仙。
火樹高標宇宙中，輝煌遙映廣寒宮。狼烟淨掃光彌遠，鐵鎖臨開樂豈窮。師曠新
聲資悅耳，寇公佳韻慕高風。吟餘自覺情懷淡，笑傲林泉俗慮空。
欲登屢嶺折梅枝，士子偕遊正及時。詩爲愁多難奪巧，酒雖量淺亦持卮。鉗錘道
義慚嵇康，叶豁達胸懷學啟期。讀罷新詩探妙蘊，高山流水忝相知。

家嚴六十誕辰 己卯十一月

此日庭椿六十春，長庚天上一星明。自慚菽水心滋戚，猶幸含飴膝繞爭。北海傾
樽人獻頌，南山有柏壽同榮。丹砂喜却當年老，龍馬精神老更英。

家慈六十誕辰 庚辰十二月

爆竹聞將响，慈幃耳順臻。蟠桃追盛會，玉照紀良辰。
是日爲雙親
攝影誌慶 純嘏邀天錫，椿萱
逐歲新。兒孫鍾毓處，天姥共長春。

次梅屋見贈詩原均

籠鳥却非鷗，欲歛去復留。平居思故國，荆識勝封侯。書劍關遲早，詩歌且唱酬。揮
毫驚貴洛，讀破李侯樓。

送國初弟之常德次留別原均

惱人風雨思悠悠忽報輕裝事遠遊惆悵陽關歌唱別及瓜期約在三秋
英雄抱負志如何莫爲荆山涕泗沱不遇尤須勤惕勵成功從古折磨多
楚水吳山跋涉長與君姑且盡千觴濱江夜雨湘江月一樣離懷兩地傷
同袍與子幾經年世誼交深有夙緣膠漆相投情至好送君南浦意拳拳

哭同年郭國光

甲申夏

噩耗驚傳霹靂空蒼天底事忌才宏數年交好三生澹兩度東南一夢榮最是彌
留穿望眼忍教哀淚灑新塋傷心秋水伊人渺怕聽巴山夜雨聲

胡萬永新婚

吹徹秦樓引鳳笙情投魚水樂陶然銀河天上雙星渡花燭人間兩璧聯十載巧
逢紅葉引三生喜締白頭緣好述詩首關雎詠瓜瓞相期慶衍綿

喜識明光耀南二弟

幾度西窗夜雨綿風聲喜結弟兄緣自慚駒足同長進旣附雞壇亦勉旃樽酒論
文資麗澤彈冠結綬纓鸞聯更悵車笠時相揖且向雲梯一着鞭

贈友人羅奇吾廖德驥二君

斯文敦友誼萍水話鄉情他日風雲會相看萬里程

贈王信女士

看來壯健出人頭喜是人間雋女流笑把春秋爭自長青年翻作老年儔

（女士喜爭年長）

贈王華英女士

日與諸生講授親元文而後又斯人捧心別有饒人處玉面何妨一露顚

感懷一首

年華近廿齡往事悔因循氈坐非吾願世緣少可人免株姑暫守菽水亦歡承欲伐宮中桂雲梯自有程

此係十年前作姑依唐格存之

惜芙蓉

臨風把酒對題詩猶是嬌容帶笑時一夜遽傷脂粉謝啣杯何處問相知芙蓉老去冷藩籬殘禿何堪雪壓枝豈是紅顏多薄命明年春節又豐姿

贈什環兄

兩載同僚數易遷依然壓線自年年騷人樂聚三生幸筆墨原非一面緣清操由

來稱靖節長歌誰不仰青蓮漫言風雅凌夷甚從此推敲與閬仙

和仕環感時一律

烽烟遍地海揚波引得騷人慷慨歌市野流離傷破敗沙場風雨湧滂沱獵狝萬
灶三軍健狼豕盈城一網羅異日燕然論賞伐英雄鐵血鑄山河

白沙留別四首

風雨同舟近二年高山流水意拳拳濫竽愧煞吹簫伍祖遜雞聲早着鞭
荏苒光陰水逝流人生聚散感萍浮滄桑世局同增慨鐵笛關山滿目秋
幕府同遊後與先聯床風雨話前緣只今回首巴山路付與湘江水上船
又向湘西作遠遊明朝江上泛孤舟垂楊不綰離人恨強把驪歌賦別留

冬日偶成

歲暮何堪景物凋山川滿目意蕭條蒼松渾異羣操節那管風霜着去飄
雖保靖有感卽呈王縣長章甫

苗婦衣冠古國風蕭蕭簡政走青聰雀符漸被新潮洗刀劍還同化蜀功
附韻文二首 廖志蒼先生成主祝詞

緇維壽公典型不朽垂裕後昆克恢先緒栗主題躋高曾並處濯濯厥靈錫爾遐祐億萬斯年禋祀俱興

張繡人諫詞代陳並卿作

節居中秋月明三五黃葉西風飄然落舞孰意靈萱亦隨秋腐人本非命固難長壽况妣有年八旬而古德與年高正以順受子肖孫賢光大門戶仍範陶型永留塵宇全受全歸復何恨有嗟予不才忝居孫伍岳妣重慈恩深逮下初托龍門遽荒萱園月冷三湘星沈一婺青鳥翩翾駕仙府再謁無由能勿悲苦冷也何情薄陳有脯脩之辭鑒諸勿吐

附錄 和鎮鄂君保靖留別詩

會同 何萍川

君客邊區亦壯遊幕中歲月共悠悠交深案牘勞神處却感臨歧說慰留幕府同遊兩度緣少年誠謹覺君賢踏歌莫挽歸舟急雲樹常牽別恨綿

和張同事六微見贈原均東鎮鄂君兼質校中諸友 胡坤階

頻年此地樂成堂燕語鶯啼幾度景春水漲江桃浪赭舊時遺榼檀梧蒼無端栩栩常鳴劍何事栖栖別貯囊匏繫不關雲外物笑余遲日引蘭香

一梅詩草

新化 方苟心 時年十九

春柳四絕和鎮鄂兄原均

推

幾樹桃紅夾柳青青柳下緊凋齡
花黃黥齡頭落柳絮風吹上驛亭
幾番風訊柳梢青夜江邊繫釣船
朝旭染紅青柳色老漁殘夢未曾醒
畫欄西畔柳波青嬈嬈柔情弱不經
最怕子規啼夜月朱簾深處有人聽
滿堤春色柳花青愁煞天涯太瘦伶
何處可尋蓬島跡斜暉莫莫倚東窗

春感

穠桃艷李水邊開新柳萋萋上翠臺
昨夜幾枝風露裏落花零亂逐波來
夜思

風景依稀夜色寒有人無力倚欄干
滿庭綠淨中天月解得相思寂寞看
相思最是悵人知夜漏聲殘強自支
寂寂空庭無一語朦朧黃月照簾時

雨後

三梅詩集

雨過黃鸝噪綠陰釣磯西畔有簑翁山中多少樵蘇客縹緲烟雲西復東

秋意

清水長天極目賒白雲飛處幾人家半江落葉蕭蕭下一對閒鷗入蓼花

月夜感懷

漁火依稀雁落洲銀光斜照滿江秋西風何事催人老碧水多情帶月流深巷悽悽寒犬吠少亭寂寂倦蟬歇孤樓心事憑誰寄一半銷魂午夜籌

薄雲

狂風一夜關山白塞外征人悵歲闌極目家鄉何處是江天無際雪漫漫

無題

風雨烟波一葉舟自從別後怕登樓江城夜笛知音渺故國飄蓬夢思悠楚水無情空漲綠吳山望斷又添愁銷魂最是三更月深鎖眉梢隱樹頭

古渡

古渡盪漁舟漁舟燈火浮流螢飛上下不辨是漁舟

次梅屋暮春一律

極目天涯路，凋零萬里春。
登樓思故國，鼓棹問前津。
自有寒梅志，安無傲雪身。
漫言家國恨，聊作看花人。

暮春

麥黃時節雨霏霏，柳色深青草色肥。
花謝杜鵑啼，夜月煙橫碧樹鎖，朱扉流鶯有恨隨。
春老蛺蝶無言妬，落暉回首三春成。
一夢東風去後總全非。

贈別三絕

珍重嫦娥碧玉姿，天涯從此繫相思。
雞聲不管飄零恨，喚白東方客路時。
試問伊人知與否，旅懷昨夜未成眠。
卿應念我明朝路，萬里關山夕照邊。
從此長途離別後，相逢應向夢中圓。
他年倘許重相晤，只數相思莫計年。

晚歸

又聽空林晚寺鐘，歸鴉幾點逐餘紅。
棹歌深處天低闊，詩思飄然澗水東。

人日醉倒竹心家

清平時節不應酒，如斯時節不酒何。
昨日醉倒竹籬舍，一杯十杯不辭多。
千愁萬慮消何處，頃刻江山浪翻波。
仰首長天歌浩蕩，漫漫風雨捲湖過。

登熊山歌

江湖滿地風波聲勢奔騰何擁擠放眼天涯無限遙縱橫氣溢三千里晚來萬壑烟嵐起山山都入虛無裡縹緲雲飛天地闊疎星幾點夜寥落徐徐明月到中天照遍峰巒無數巔倚劍寢歌謠仙句如彼嘖鶴隨深淵君不見熊山無語水東流塞草蕭蕭蘆荻秋

夜行曲

蛙鼓斷續鳴澗水號石谷一兩三點螢疑是鬼之目怪石狀崢嶸恐躡巨惡獸四境皆驚魂心虛作輾轉忽聞犬吠聲驚近山家屋乘胆走一程杳然仍寂寞

截句

兩岸蘆花千朵雪一窗煙雨半燈寒

民國三十六年四月初版

三梅詩集

【定價國幣

元】

有著作權

著作者 梅屋梅川一梅

校訂者 胡 坤 階

發行人 梵 聲

印刷者 新化喚民書局

82
112302
(1)

